

七十二家集

陸清河集目錄

卷之一

賦

南征賦

有序

登臺賦

有序

愁霖賦

有序

喜霽賦

有序

歲暮賦

有序

逸民賦

有序

羊腸轉賦

寒蟬賦 有序

卷之二

詩

大將軍宴會被命作詩 六章

征西大將軍京陵王公會射堂皇太子

見命作此詩 六章

太尉王公以九錫命大將軍讓公將還

京邑祖餞贈此詩 六章

大安二年夏四月大將軍出祖王年二

公於城南堂皇被命作此詩

六章

從事中郎張彥明爲中護軍

六章

贈汲郡太守

八章有序

贈顧驃騎二首

有皇

八章有引

思文

八章有引

贈鄒陽府君張仲膺

五章

贈顧彥先

五章

答顧秀才

五章

答大將軍祭酒顧令文

五章

答吳王上將顧處微

九章

贈顧尚書

答兄平原

卷之三

詩

贈鄭曼季四首

谷風

五章  
有序

鳴鶴

有序  
四章

南衡

有序  
五章

高岡

四章

鄭曼季答陸士龍四首附

鴛鴦

有序  
六章

蘭林

有序  
五章

南山

有序  
五章

中陵

四章

答孫顯世

十章

孫拯贈陸士龍十章附

失題

八章

失題

六章

失題

失題

答兄平原

答張士然

爲顧彥先贈婦往返四首

芙蓉

卷之四

騷

九愍

脩身

涉江

悲郢

行吟

紆思

考志



感逝

征

啓疏

諫吳王起西園第宜遵節儉啓

吳王晏答陸雲令附

又疏

諫吳王起觀疏

吳王答令附

請吳王引師友文學觀書問道啓

吳王答令附

又啓

吳王答令附

請吳王入朝啓

吳王答令附

請吳王覆校諸官啓

請防不法啓

卷之五

書

移太常府薦張瞻書

答車茂安書

車永與陸雲書附

又答陸雲書附

與戴季甫書六首

與張光祿書三首

與朱光祿書

與嚴宛陵書

嚴隱答陸雲書附

與楊彥明書七首

與陸典書十首

弔陳永長書四首

弔陳伯華書二首

春節帖

卷之六

書

與兄平原書三十八首

卷之七

頌

登遐頌

有序

盛德頌

有序

祖考頌

有序

張二侯頌

有序

贊

榮啓期讚

有序

箴

逸民箴

有序

碑

泰伯碑

卷之八

誄

吳故丞相陸公誄

晉故散騎常侍陸府君誄

晉故豫章刺史夏府君誄

文

嘲褚常侍文

牛責季友文

附錄

陸雲傳

唐太宗

訪二陸故居

宋林景熙

二陸祠送神歌

元劉子青

遺事

集評

陸清河集卷之一

晉吳郡陸雲士龍著

明閩漳張爕紹和纂

賦

南征賦

有序

太安二年秋八月奸臣羊玄之皇甫商敢行稱  
亂凌逼乘輿天子蒙塵于外自秋徂冬大將軍  
敷命群后同恤社稷乃身統三軍以謀國難自  
義聲所及四海之內朔漠之表蒸徒羸糧而請



奮胡馬欵塞而思征四方之會衆以百萬軍旅  
之盛威靈之著自古已來未之有也粵十月軍  
次于朝歌講武治戎以觀兵于殷墟於是美義  
征之舉壯師徒之盛乃作南征賦以揚匡霸之  
勲云爾

有皇晉之霸后資濟哲之馭聖崇文德於緝熙  
濟武功而保定應天鑒之昭華荷帝祐之休命  
步玉衡以觀八方在璇璣而齊七政芒芒神道  
化洽崇深仰戾天飛俯洞淵沈振南箕以鼓物

冒慶雲而崇蔭恢天維以籠世廓宇宙而宅心  
濟博施之厚德鏗希聲之大音淵澤回而泣注  
豪彥萃而爲林九服惟清諸夏謐靜肅愼回首  
沙漠引領天和時降地靈夙挺結芳林之奇幹  
發珍禾之神穎勵修德於億兆端澄形於萬景  
在申葉之不競遭皇家之毒亂悲國步之未夷  
仰夙興而昧旦括無方而大誥集率土而貞觀  
致天屬於王畿肅宵征而省難爾乃建黃鉞之  
靈威樹戎輅之高蓋伐隱天之雷鼓振凌霄之

電旆介夫揮戈而夙興輕武總干而啓萬振靈  
部之嘈嘈飛旃旐之蕭蕭虹旂沂風以委蛇霓  
旄蒙光而容裔公徒十萬其會雲興悠悠華戎  
時罔丕承爾乃命屏翳以夕降式飛廉以朝升  
淦蒙雨而復清景帶天而光澄陪武臣於雕軒  
列名僚於後乘猛將起而虎嘯商飈肅其來應  
士憑威而嚮駭馬獻天而景凌臨川屯於廣陸  
武騎被乎中陵類禡比京師徒經始桓桓先征  
在河之浹順彼長道懸旌千里羨王師之遵時

茂七德而發止爾乃稅駕殷墟我徒旣閑順時  
講武薄狩于原紛同方面類聚煥副翼而明分  
祇明刑以誓衆習軍政於舊聞儼山立以崇薈  
聚烟駭而興紛若冥海之引回流岱靈之吐行  
雲于時玄冬首時陰風戒煞山澤含哀天地肅  
乂閒夜冽以澄清中原曠而曖昧戎士肅而咸  
戒三軍紛而雜遼長角哀叫以命旅金鼓隱旬  
而啓伐景凌冥而四播音乘雲而上逝火烈具  
舉伐鼓淵淵朱光俛而丹野炎暉仰而絳天耀

靈翕赫以增熾憤氣聊悅而凌煙狂飈起而安  
駭行雲詣而芊眠旌旆翻其猗靡驚燦因而煙  
娟爾乃洪音雷動清聞尅廣凌雲發揮萬里振  
響聲馮虛而天回烈駭空而地蕩映皎月而望  
舒開照重昏而大夜朗服縣炎揚而晃儵飛烽  
戢煜而泱泱乃有熊羆之旅虓闕之將雄聲泉  
涌逸氣風亮超三軍以奔厲賈餘勇而成壯兆  
洪音於寂漠先無形而高唱紛若屯雲渙若積  
波遁陰匿景靜言勿譁絕倡寂其旣收萬夫翕

而咸和嚴鼓隱而重戒景燧曄而星羅烈蒙陰  
而仰假曜憑陽而登遐若扶桑之振華葉皓天  
之散朝霞超燭龍之絕景豈比象於百華

登臺賦

有序

永靈中參大府之佐於鄴都以時事巡行鄴官  
三臺登高有感因以言崇替廼作賦云

承后皇之嘉惠兮翼聖宰之威靈肅言詞而述  
業兮乃啓行乎北京巡華室以周流兮登崇臺  
而上征攀凌坻而遂躋兮迄雲閣而少寧爾乃  
佇眄瑤軒滿目綺寮中原方華綠葉振翹嘉生  
民之疊疊兮望天晷之蒼蒼歷玉階而容與兮  
憩蘭堂以逍遙蒙紫庭之芳塵兮駭洞房之廻

飈飈嚮逝而迁物兮傾冠舉而凌霄曲房榮而  
窈眇兮長廊邈而蕭條於是迴路透夷邃宇玄  
芒深堂百室曾臺千房闢南牕而蒙暑兮啓朔  
牖而履霜遊陽堂而冬溫兮步陰房而夏涼萬  
禽委蛇於潛室兮驚風矯翼而來翔紛譎譎於  
有象兮邈悠忽而無方于時南征司火朱明鬱  
遂縣車式徐曜靈西墜暑乘陰而增炎兮景望  
淵而曖昧玩瓊宇而情厭兮覽八方而思銳陋  
雨館之常規兮鄙鳴鵲之蔽帟仰凌眄於天庭



今俛旁觀乎萬類北溟浩以揚波兮青林煥其  
興蔚扶桑紉於毫末兮崑崙卑乎覆簣於是忽  
焉俛仰天地旣翕宇宙同區萬物爲一原千變  
之常鈞兮齊億載於今日彼區中之側陋兮非  
吾黨之一室本達觀於無形兮今何求而有質  
於是聊樂近遊薄言儻佯朝登金虎夕步文昌  
綺疏列於東序朱戶立乎西廂經蕤曄以披藻  
兮椒塗馥而遺芳感舊物之咸存兮悲昔人之  
云亡憑虛檻而遠想兮審歷命於斯堂於是精

疲遊倦白日藏輝鄙春登之有情兮惡荆臺之  
忘歸聊弭節而駕言兮悵將逝而徘徊感榮替  
之靡常兮悟廢興而永懷隆期啓而雲升逝運  
靡其如頽長發惟祥天鑒在晉肅有命而龍飛  
兮跼重斯而肇建嘉有魏之欽若兮鑒靈符而  
告禪清文昌之離宮兮虛紫微而爲獻委普天  
之光宅兮質率土之黎彥欽哉皇之承天兮集  
北顧於乃眷誕洪祚之遠期兮則斯年於有萬

愁霖賦

有序

永寧三年夏六月鄴都大霖旬有奇日稼穡沉  
湮生民愁瘁時文雅之士煥然並作同僚見命  
乃作賦曰

在朱明之季月兮反極陽於重陰興介丘之膚  
寸兮墜崩雲而洪沉谷風扇而攸遂兮苦雨播  
而成淫天決漭以懷慘兮民顛蹙而愁霖於是  
天地發揮陰陽交烈萬物混而同波兮玄黃浩  
其無質雷憑虛以振庭兮電凌牖而輝室霤鼎

沸以駿奔兮滌風驅而競疾豈南山之暴濟兮  
將冥海之颶溢隱隱填填若降自天高岸渙其  
無涯兮平原蕩而爲淵遵渚回於凌河兮黍稷  
什於中田匱多稼於億廩兮虛風敬於祈年外  
薄郊甸內荒都城陰無晞景霑無輟聲纖波靡  
於前途兮微津隔於峻庭紛雲擾而霧塞兮漫  
天頽而地盈於是愁音比屋歎發屢省陽堂乏  
暉朗室無景望魯雲之萬仞兮想白日之寸脛  
感虛無而思深兮對寂漠而言靖毒甚雨之未

晞兮悲夏日之方永瞻大辰以頽息兮仰天衢  
而引領愁情沈疾明發哀吟永言有懷感物傷  
心結南枝之舊思兮詠莊鳥之遺音羨弁彼之  
歸飛兮寄予思乎江陰渺天末以流目兮涕潸  
潏而沾襟何人生之倏忽痛存亡之無期方千  
歲於天壤兮吾固已陋夫靈龜矧百年之促節  
兮又莫登乎期頤哀戚容之易感兮悲懼顏之  
難傷考傷懷於衆苦兮愁豈霖之足悲雲曇曇  
而疊結兮雨淫淫而未散晞朱陽於崇朝兮悲

此日之屢晏劾豐降於岳陽兮執赤松於神館  
命雲師以藏用兮繼乘龍於河漢照濛汜之清  
暉兮炳扶桑之始旦考幽明於人神兮妙萬物  
以達觀

喜霽賦

有序

余既作愁霖賦雨亦霽昔魏之文士又作喜霽賦聊厠作者之末而作是賦焉

赤霖雨之掩時兮情懷憤而無懌肅有禱於人謀兮反極陰于天律靖屏翳之洪隧兮戢太山之觸石凌風絕而謐寧兮歸雲反而揮霍改望舒之離畢兮曜六龍於紫閣揚天步之剡剡兮播靈輝之赫奕於是朱明自皓凱風來南復火正之舊司兮黜后土於重陰夷中原之多滌兮

反高岸於嵩岑萎禾竦而振穎今偃木豎而成  
林嘉大田之未墜今幸神祇之有歆爾乃俯順  
習坎仰熾重離兼明暢而天地曄今羣生悅而  
萬物齊魚凌淵以增躍今鳥望林而朝隤戢流  
波於桂水今起芳塵於沉泥朱光播於甕牖今  
素景衍乎中閨天監作照幽明畢覲普厥有懽  
覃及四國翕萬情而成喜今雖無獲而自得災  
未及害和斯有祥翼翼黍稷油油稻糧望有年  
於自古今晞隆周之萬箱原思悅於蓬戶今孤



竹欣於首陽陰陽交泰萬物方邁炎神送暑素  
靈迎秋四時逝而代謝兮大火忽其西流年冉  
冉其易頽兮時靡靡而難留嗟沉哀之愁思兮  
瞻日月而增憂感年華之行暮兮思乘煙而遠  
遊命海若以量津兮吾欲往乎瀛洲臨儀天之  
大川兮凌懷山之洪波瞻增城之峻極兮仰蓬  
萊之崑崙望王母於弱水兮詠白雲之清歌雖  
嘉命之未錫兮將輕舉於流沙振仙車之鳴鸞  
兮吐玉衡之八和託芝蓋之後乘兮食瓊林之

朝華修無窮以容與兮豈萬載之足多

## 歲暮賦

余祇役京邑載離永久永寧二年春忝寵北郡  
其憂又轉大將軍右司馬於鄴都自去故鄉荏  
苒六年惟姑與姊仍見背棄銜痛萬里哀思傷  
毒而日月逝速歲聿云暮感萬物之旣改瞻天  
地而傷懷乃作賦以言情焉

夫何乾行之變通兮昏明迭而載路美飛轡之  
遠御兮騰六龍於天步時赴節而漸流兮氣移  
數而改度揮促節於短日兮振修策於長夜運

悠忽其旣周兮歲冉冉而告暮變棘心之柔風  
兮滋豐草之湛露玄暉邈以峻服兮黃裳皓而  
振素於是顙頊御時玄冥統官天廟旣底日月  
貞觀淪重陽於潛戶兮嚴積陰於司寒日回天  
以減景兮飈衝淵而無瀾堅冰涸於川底兮白  
雪隕於雲端普區宇之瘁景兮頽萬物之衰顏  
時凜戾其可悲兮氣蕭索而傷心淒風愴其鳴  
條兮落葉翻而灑林獸藏丘而絕迹兮鳥攀木  
而栖音山振枯於曾嶺兮民懷慘於重襟寒與

暑其代謝今年冉冉其將老豐顏曄而朝榮兮  
玄髮粲其夕皓感芳華之志學兮悲時暮而難  
考遠圖逝而辭懷兮密思集而盈抱羨厚德之  
溥載兮嘉豐化之大造恨盛來之苦晏兮悲衰  
至之常蚤指晞露而怵心兮衍死生於靡草蒙  
時來之嘉運兮遊上京而凱入委乘輅於紫宮  
兮剖金虎而底邑憑台光之發暉兮荷寵靈而  
來集望故疇之迥遼兮沂南風而頽泣長歎息  
而永懷兮感逝物而傷悲哀年歲之攸往兮伊

行人之思歸結隆思於朝日今綴永念於汜暉  
表寸陰而貞吝今盼盈尺其若遺嗟我行之久  
永兮何歸途之芒芒遵渚兮盼川攸逝兮江湘  
處孝敬於神丘兮結祗慕於帷桑瞻山川而物  
存兮思六親而人亡問仁姑而背世兮及伯姊  
而淪喪尋餘蹤於空宇兮想絕景於遺堂悲山  
林之杳藹兮痛華構之丘荒靖深情以遐慕兮  
思纏綿而懷楚涕垂順以交頽兮哀凌心而洞  
駭神尋路而窘逝兮形頽蹙乎其所心悠悠其

若懸兮音旣絕而復舉悲人生之有終兮何天  
造而罔極仰悲谷之方中兮顧懸車而日晏百  
年迅於分嘯兮千歲疾於一息詠大椿之萬祀  
兮同躋站於未識歲難停而易逝兮情艱多而  
泰寡年有來而棄子兮時無算而非我祇生心  
於日順兮雖呼翁其難假攝飢生於逆旅兮欲  
淹留其焉可彼鑒寐之有時兮亦始卒之固然  
舒遠懷於千載兮悵同感乎中山鑒通人之炯  
戒兮懼晏平之達言啓貞心以自責兮覽遺籍

而問道亮爽鳩之旣徂兮故營丘之有紹在吾  
儕之陋心兮豈取樂於東表苟長生而自得兮  
將奚待而有天考大德於天地兮知斯言之益  
矯



逸民賦 有亭

富與貴人之所欲也而古之逸民或輕天下細  
萬物而欲專一丘之歡擅一壑之美豈不以身  
勝於宇宙而心恬於紛華者哉故天地不易其  
樂萬物不干其心然後可以妙有生之極享無  
疆之休也乃爲賦云

世有逸民兮栖遲於一丘委天形之外心兮淡  
浩然其何求陋此世之險隘兮又安足以盤遊  
杖短策而遂往兮乃枕石而漱流載營抱魄懷

元服一傲物思寧妙世自逸靜芬響於永言滅  
絕景於無質相荒土而卜居度山河而考室曾  
丘蓊蒼穹谷重深輶木振頴葛藟垂陰潛魚泳  
沚嚶鳥來吟仍蔬圃於芝薄兮卽蘭堂於芳林  
靡炎飈以赴節兮揮天籟而興音假樂器於神  
造兮詠幽人於鳴琴挹廻源於別沼兮食秋菊  
於高岑蒙玉泉以濯髮兮臨濬谷而投簪寂然  
尸居儼焉山立遵渚龍見在林鳳戢遁綿野以  
宅心望空巖而飢入明發悟歌有懷在昔賓濮

水之清淵兮儀礚溪之一壑毒萬物之誼譁兮  
聊漁釣於此澤爾乃薄言容與式宴盤桓朝挹  
芳露夕玩幽蘭聊區外而放志兮眷天路而怡  
顏望靈嶽之清景兮想佳人於雲端悲滄浪之  
濁波兮詠芳池之清淵鄙終南之辱節兮趨伯  
陽之考槃眄清霄以寄傲兮泝凌風而頽歎玄  
微載晏何思何欲漂若行雲之浮泊若窮林之  
木客有得之必喪兮蓋怙寵之召辱彼貪夫之  
死權兮固遺生以要祿竦戰兢而履冰兮祗肅

懷以臨谷亮據鼎之無慄今在顛沛其必渥是  
故夫形魂者徵咎體壯者爲犧雖明文而龍藻  
兮終俛首而受羈立修名於禍始兮登全生於  
戾階資朝華之促節兮抱千載之長懷擠考終  
於遠期兮顛靈根而自摧殉有喪之假樂兮彼  
無身其孰哀美達人之玄覽兮邈藏器於無爲  
物有自遺道無不可萬殊有同齊物無寡並家  
於國等朝于野榮在世而貴身兮神居形而忘  
我欽妙古之達言兮信懷莊而悅賈曾旣明於

天爵兮何憒悲於人禍陋國風之皇恤同明哲  
於大雅亂曰乘白駒兮皎皎遊穹谷兮藹藹尋  
峻路兮崢嶸臨芳水兮悠齋槃丘園兮暇豫翳  
翠葉兮重葢瞻洪崖兮清輝紛容與兮雲際欲  
凌霄兮從之恨穹天兮未泰詠歡友兮清唱和  
爾音兮此世

羊腸轉賦

爾乃使熊羆之士虓闕之將雄聲泉踴逸氣風  
亮超三軍以奔厲賈餘勇以成壯兆洪音於寂  
寞先元聲而高唱元兵時紛若屯雲煥若積波  
授教斯謐靜言勿譁嚴鼓隱其雲戒萬夫翕而  
咸和治安步以止立應金奏而靡戈進總干以  
乘言退揮旅而星羅及至景凌禮旣畢歸旅將  
振尋縈圓轉因瀨蓋旋若疾流之繞駿沈驚颺  
之靡狂塵羊腸轉時命屏翳以夕降式飛廉而

朝興涂蒙雨而後清景帶天而先澄  
陪俊臣於彫輅刻名僚於後乘  
猛將起而虎嘯商風肅其來應士憑勢而響駭馬噓天而景凌

舊本混刻與見平原

書中今稿出

寒蟬賦 有序

昔人稱雞有五德而作者賦焉至於寒蟬才齊  
其美獨未之思而莫斯述夫頭上有綏則其文  
也含氣飲露則其清也黍稷不食則其廉也處  
不巢居則其儉也應候守節則其信也加以冠  
冕則其容也君子則其操可以事君可以立身  
豈非至德之蟲哉且攀木寒鳴負才所歎余昔  
僑處切有感焉興賦云爾

伊寒蟬之感運近嘉時以遊征含二儀之和氣



稟乾元之清靈體真精之淑質吐呼吸之哀聲  
希慶雲以優遊遁太陰以自寧於是靈岳幽峻  
長林參差爰蟬集止輕羽莎佗清徹微激德音  
孔嘉承南風而軒景附高松之上華黍稷惟馨  
而匪享竦身晞陽乎靈和咲乎其音翩乎其翔  
容麗調塘聲美宮商飄如飛所之遺驚風眇如  
輕雲之麗太陽華靈鳳之羽儀睹皇都乎上京  
跨天路於萬里豈蒼蠅之尋常爾乃振修綏以  
表首舒輕翅而迅翰挹朝華之墜露含煙煖以

夕飡望北林以鸞飛集樛木以龍蟠彰淵信於  
嚴時稟清誠乎自然翩跹微妙綿蠻其形翔林  
附木一枝不盈豈黃鳥之敢希唯鴻毛其猶輕  
憑綠葉之餘光景秋華之方零思鳳居以翹竦  
仰竚立而哀鳴若夫歲聿云暮上天其涼感運  
悲聲貧士含傷或歌我行永久或詠之子無裳  
原思嘆於蓬室孤竹吟於首陽不銜子以穢身  
不勤身以營巢志高於鳴鳩節妙乎鷗鴉附枯  
枝以永處倚瓊林之迥條惟雨雪之霏霏哀此

風之颺颺旣乃彫以金采圖我嘉容珍景曜爛  
歸曄華豐奇侔黻黼比袞龍清和明潔群動  
希蹤爾乃綴以玄冕增成首飾纓蕤翩紛九旒  
容翼映華蟲於朱袞表馨香乎明德於是公侯  
常伯乃紆紫韍執龍淵俯鳴佩玉仰撫貂蟬飾  
黃廬之多士光帝皇之侍人旣騰儀像於雲閣  
望景曜乎通天邁休聲之五德豈鳴雞之獨珍  
聊振思於翰藻聞令問以長存於是貧居之士  
喟爾相與而俱嘆曰寒蟬哀鳴其聲也悲四時

云暮臨河徘徊感北門之憂殷嘆卒歲之無衣  
望泰清之巍巍思希光而無階簡嘉蹤於皇心  
冠神景乎紫微詠清風以慷慨發哀歌以慰懷

陸清河集卷之二

晉吳郡陸雲士龍著

明閩漳張熒紹和纂

詩

大將軍宴會被命作詩

六章

皇皇帝祐誕隆駿命四祖正家天祿保定啟哲  
惟晉世有明聖如彼日月萬景攸正

巍巍明聖道隆自天則明分爽觀象洞玄陵風  
叶紀絕輝照淵肅雍往播福祿來臻

在昔奸臣稱亂紫微神風潛駭有赫茲威靈旗  
樹旆如電斯揮致天之屈于河之沂有命再集  
皇輿凱歸

頽綱旣振品物咸秩神道見素遺華反質辰畧  
重光協風應律函夏無塵海外有謐

芒芒宇宙天地交泰王在華堂式宴嘉會玄暉

峻朗翠雲崇藹冕弁振纓藻服

五臣作火

垂帶

祁祁臣僚有來雍雍薄言載考承顏下風俯覲  
嘉客仰瞻玉容施已唯約于禮斯豐天錫難老

如岳之崇

征西大將軍京陵王公會射堂皇太子見

命作此詩

六章

芒芒太極玄化烟煴頽形成器凌象垂文大鈞  
造物庶類羣分先識經始寔綜彝倫

惟嶽隆周生甫及申天鑒在晉祚之降神邈矣  
遐風茂德有鄰永言配命唯晉之鎮

厥鎮伊何實幹心膺文教內輔武功外禦淮方  
未靖帝曰攸序公于出征奄有南浦

南海旣賓爰戢干戈桃林釋駕天馬婆娑象齒  
南金來格皇家絕音協徽宇宙告和

玄綱峻極天罔旣絃文武方升允茲兼弘戔戔  
局夏有肅其涼公侯戾止駉驥龍驤善問如林  
仕會鏘鏘

祝融御節火正緝熙飭風徘徊萬物欣時秩秩  
初筵薄言在茲嘉福介祐萬壽無期

太尉王公以九錫命大將軍讓公將還京

邑祖餞贈此詩

六章



烈文辟公時惟哲王闡縱絕期平顯幽光內實  
慎徽緝熙有臧山紉方慝間督不揚高山峻極  
天造茫茫

天子念功大典光備肅肅王命宰臣蒞事穆矣  
淵讓遺功遂志思我遠猷徽音孰嗣

后命旣靈王人返旆興言出祖飲餞于邁旂旐  
泱泱輶軒藹藹和風弭塵清暉映蓋

思樂中陵言觀其川公王戾止有車轄轄伊誰  
云饗我有嘉賓羽觴舉酬酢爾征人

悠悠征人四牡駢駢發軫北京振策紫微昔乃  
云來春林方輝歲亦暮止之子言歸道途興戀  
伏載稱徽

聖澤旣渥嘉會愔愔庭旅鐘鼓堂有瑟琴飛轡  
清暉扶桑移陰視景祗慕揮袂沾襟變彼同栖  
悲爾異林我有旨酒以歌以吟

大安二年夏四月大將軍出祖王羊二公

於城南堂皇被命作此詩

六章

時文唯晉天祥有祥聖宰作弼受言旣臧有赫

斯庸勲格吳蒼景物台睥棟隆玉堂

惟常思庸大興光廸聖敬遠躋神道玄邈思媚  
三靈誕膺天篤嘉命旣辱王人言告

翼翼王人言告惟慕公與駕言乃眷斯顧華旂  
飛藻鳴鸞振路駢駢駟牡嘯天載步

我有高夏如雲斯蒼雕軒戾止薄言嘉會問誰  
在宴惟俊惟乂豐俎殷薦獻酬交泰

攸攸昊天南正興言朱明有暉萬葉翠繁昌雲  
垂天飢風熙顏王臣在此貽宴于懽

懸象西頽虞淵納景嘉樂未晞嚴駕已整行矣  
征人身乖路永飛驂顧懷華蟬引領遺思北京  
結轡臺省

從事中郎張彥明爲中護軍

六章

思文有聖叡哲配天功濟生黎道合上玄休命  
發揮有集惟賢哲彼寤宿澄此在淵

濟濟多士實播令聞王曰欽哉余嘉乃勲徽音  
孔碩惠爾風雲穆此芳烈肇揚清芬

肅肅庶僚絃服籠暉被桃蟲假翼翻飛出撫

邦家入翬紫微有命旣集願言永違

思樂華堂雲備崇基公王有酒薄言饗之景曜  
徽芒芳風詠時宴爾賓儼具樂于茲

疊疊我王豐恩允臧我客戾止飲酒公堂自彼  
下僚聿來有光悲矣永言指途逝將形違殿闥  
景附華房

開國承家勿用小人今我聖宰實蕃斯仁凌淵  
龍躍披林鳳振正直旣好嘉禮式陳振我遠德  
歸于時民

贈汲郡太守

八章  
有序

奚世都爲汲郡太守客將之官大將軍崇賢  
之德旣遠而厚下之恩又隆非此離析有感  
聖皇旣蒙引見又宴于後園感鹿鳴之宴樂  
詠魚藻之凱歌而作是詩

於穆皇晉豪彥實蕃天網振維有聖貞觀鳴鳥  
在林良駿卽閑萃彼俊乂時亮庶官

抑抑奚生天篤其淳芳穎蘭揮瓊光玉振沈機  
照物妙思考神思我善問觀德古人

善問伊何惠音孔韶肇允衡門翻飛宰朝肅雍  
芳林芬響凌霄穆矣和風育爾清休

亦既有試出宰邦家之子于行民固謳歌風澄  
俗儉化靜世波芒芒既庶且樂于和

我有好爵既成爾服入贊崇華遂登帷幄時文  
聖宰天祚方穀朔風徽止鴻漸雲嶽

悠悠斯民三代直道我求明德惟奚攸考緝熙  
暉章天祿來保惠心無兢豐化有造

樂只君子茂德攸綏嗟我懷人式是言歸聿言

來集如翼斯揮日予不惠照爾清暉

職思既殊亦各有司念我同僚悲爾異事之子  
之遠悠悠我思雖無贈之歌以言志

贈顧驪騎二首

有皇

八章  
有引

有皇美祈陽也祈陽秉文之士駿發其聲故  
能明照有吳入顯乎晉國人美之故作是詩  
焉

有皇大晉時文憲章規天有光矩地無疆神篤



斯祐本顯克昌載生之雋實惟祈陽哲問宣猷  
考茂其相

於鑠祈陽誕鍾天篤清輝龍見玄猷淵嘿沈機  
響駭幽神廣覲和以同人歸物時育有大惡盈  
謙以自牧思我懿範萬民來服

吳未喪師天秩有庸淵哉若人弱冠休風俯翼  
黃門以德來忠端秀蕃后正色儲宮徽音鑠頤  
邈矣遐蹤

皇惟南終舊邦匪歆委弁釋位如龍之潛考槃

窮谷假樂豐林子雖藏器鐘鼓有音惠風往敬  
慶問來尋

濟濟元公相惟天子明明辟王思隆多士帝曰  
欽哉有命集止我咨四方令問在爾以朕大賚  
乃膺嘉祉聿來胥步觀國之紀

惟皇建極緝熙清曜我有俊民明德來照大觀  
在上王假有廟顯允顧生金聲玉振之子于升  
利見大人龍輝絕跡有肅清塵

清塵旣彰朝虛好爵敬子侯度慎徽百辟予聞

有命德禮不易嗟我懷人瞻言永錫豐祐東法  
惟予之績

遵汶涉泗言告同征勁風宵烈湛露朝零雲垂  
藹下泉冽清冷哀哉行人感物傷情從子京邑  
言觀厥成天保祚德式穀以寧

思文

八章  
有引

思文美祁陽也祁陽能明其德刑于寡妻以  
至于家邦無思不服亦賴賢妃貞女以成其  
內教故作是詩焉

思文祁陽祁陽克峻天錫純嘏宜茲義問德音  
既烈海外有奮旣奮斯音祇敬厥德昭治其家  
覃及邦國永肇儀刑俾民惟則

文王在上太姒思齊魯侯克昌亦賴令妻鑒神  
有顧蘋蘩在斯祁陽載天作之伉儷

在虞之胄實惟有姚頽艷玉秀華茂桃夭居顯  
祇明在靈格幽清塵熠燿淑心綢繆爰及祁陽  
惟德之周

其德伊何和貞虔告師氏履素言謀慮度鐘鼓

思樂靖端夙效考休攸嬪來嫁于顧

余年執贊玉帛有輝百兩集止之子于歸宗姻  
風從娣姪雲回祁陽顧之煥其盈闈

旣曰歸止式揚好音言觀河洲有集于林思樂  
藹藹薄采其藟疲彼攸遂乃孚惠心

惠心旣孚有恪中饋敦此衆斯永錫嗣類載延  
窈窕用和寤寐神之聽之胤祚來爾

昔周之隆有任有姒內刑聖教外崇多士今我  
淑人實亮君子疊疊翼翼亦繼斯祉宜爾子孫

福祿盈止

贈鄱陽府君張仲膺

五章

神林何有奇華妙實皇朝如何窮文極質斌斌  
君子升堂入室太上有曜子誕其輝知機日難  
子達其徵入輔帷幄出御千里滔滔江漢南國  
之紀

謁帝東堂剖符南征天子命我車服以榮何以  
潤之德被蒼生何以濟之威振羣城却愚以化  
崇賢以仁鳳舒其翮龍濯其鱗憶彼荒藪莫敢

不賓雖云舊邦其命維新

卞和南金終始一色顯允君子窮達一德弘仁  
膺道物寃其極古賢受爵循牆度恭今哲居貴  
懷盈如冲接新以化愛舊以豐隆此嚶鳴惇彼  
谷風

忠至寵加孝至榮集內崇南芬外清名邑煒煒  
棠棣愛增其華猗猗桑梓厥曜孔多被繡畫行  
昔人攸美階雲飛藻孰與同粲

人道伊何難合易離會如升峻別如順淇嗟我

懷人曷云其來貢言執手涕旣隕之

贈顧彥先

五章

玄黃挺秀誕受至真行該其高德備其新光瑩  
之偉附卞同珍騰都之駿龍鳳合塵

皇皇明哲應期繼聲華映殊域實鎮天庭入輔  
用輔乾乾靡寧夏發涼臺我雨我暑冬違邦族  
風霜是處嗟彼獨宿誰與晤語飄飄艱辛非禹  
孰舉言念君子悵惟心楚

悠悠山川驍驍征還陟升焦堯降涉洪波言無



不利乘嶮而嘉人懷思慮我保其和

邂逅相遇良願乃從不逢知己誰濟予躬莫攀  
莫附媿我高風時過年邁晷冉桑榆晞光賴潤  
亦在斯須假我夷塗頓不忘驅汜予津川桴不  
失浮無愛餘暉遂暗東嶠

幽幽東嶠戀彼西歸瞻儀情感聆音心悲之子  
于邁夙夜京畿王事多難仲焉徘徊

答顧秀才

五章

芒芒上玄有物有則厥初造命立我藝則爰茲

族類有覺先識斯文未喪誕育明德

允矣顧生載靈之和沈根芳沼濯秀蘭波淵翹  
戢穎景茂凌華惟是德心是用閑邪

德心伊何行歸于周希高仰峻企遠懷悠匪願  
在明靡倦斯幽凡我同朋瞻言清休

慎終于遠俾民歸厚言若有行及予攜手何以  
恤我其仁孔有心之云愛隆敬其久

旣邁斯仁亦廸茲文藻不雕樸華不變淳有斐  
君子如珪如璠仰欽德類依懷惠詮式揚好問

邦家于宜

答大將軍祭酒顧令文

五章

惟林有鸞惟淵有螭顯允明德實邦之基先后  
陟恪子配于茲遵彼玉堂受言邁之

申原有軌世鮮克蹈先民有懷子探其妙心猶  
水鑒函景內照名若振炎攄光外耀

相彼水鑒民胥攸臨矧曰明德人誰弗欽寫我  
朶頤卽爾澄心義隆自古好邈在今

大人有作興雲自天之子于升亦躍于淵景曳

清霄響發鳴弦義問弘集淑風載鮮

企予朔都非子孰念豈無弱翰才不克瞻惠音  
聿來瓊華玉艷無德不報念辭惟忝

答吳王上將顧處微

九章

邈矣大昧造化明明物以曲全人以直生類聚  
百族羣分萬形員淵挺隋方川吐瓊

藹藹洪族天祿攸蕃神綏厥本道裕其源條有  
豐葉波無輟澗烈風時播芳響世繁

曰繁曰頤載德于茲克文克敏乃惠乃慈遵彼

洪流薄言詠之好是神契聊與之期  
仁勇同宅文武相紛王謂御事誰撫上軍於時  
翻飛虎嘯江濱式遏不虞俾也無塵

三代既遠直道垂音非齒焉尚非德焉欽鑽仰  
自古鮮曰在今匪唯彤交殷薦其心

心以殷薦分以道成祇服惠顧疇此深情亦有  
芳訊薄載其誠豈無春暉茲焉可榮

大道易聞崇軌難襲孰云匪衍咎吝尤集敢謝  
不佞栖山自戢臨篇焉愧德輶辭輯

翩彼日月逝猶駭電朝華未厭夕風已扇詩亦有悲無幾相見懷德歎心于焉東眷  
平津晚貢貢公後徵陟彼玉階黃髮來升靈卉  
三秀芳草秋興唯願清神福祿是膺

贈顧尚書

五嶽降神四瀆炳靈兩儀鈞陶參和大成兆光  
人倫誕育至英於顯尚書實惟我兄行成世則  
才爲時生體道旣弘大德允明厥弘伊何靡曠  
不遵厥明伊何靡妙不研無索炤灼有求幽玄

細微不錯毫芒以陳積寶爲川納流成淵扶翹  
布華養物作春所肅以禮所潤以仁宣質拔行  
曜文入承堅不可鑽清如凝水方迹迎朕路齊  
闕里瞻聖而惟亦顧之子彼棄芝英玩此蘭茝  
異世同芳其馥不已我蘭旣馥我風載清能芬  
南岳運芳北征子有其德人求其馨逝此陋巷  
薰彼紫庭厥音不已鼓鐘有聲聞天之聰譬之  
鵠鳴天聰旣招我實惟彰乘風之鳳眷言朝陽  
披雲藻綉來此舊鄉謙光自抑厥輝愈揚麗容

鵬翕孔好已張旣照平林具我華英華英已曜  
餘光難延會淺別速哀以紹欣追曠同塗暫和  
笑言殊音合奏曲異響連絕我懼條統我思因  
根分來在愛感徃思我非彤景有處有遊載離  
載會且懼且憂感彼遠曠云此延娛樂奏聲哀  
言發涕流唯願我子德與福俱亦天之祐亦我  
之私

答兄平原

伊我世族太極降精昔在上代軒虞篤生厥生



伊何流祚萬齡南嶽有神乃降厥靈誕鍾祖考  
徹茲神明運步玉衡仰和太清賓御四門旁穆  
紫庭紫庭旣穆威聲爰振厥振伊何播化殊鄰  
清風攸被率土歸仁彤弧所變萬里無塵功昭  
王府帝庸厥勲黃鉞授征錫命頻繁闕如虢虎  
蕭茲三軍光若辰時亮彼公門仍世上司芳流  
慶純雲和所產爰育二昆誕豐岐嶷夙邁令聞  
令聞伊何休音允臧先公克構乃崇斯堂耀頴  
上京發迹扶桑戎車山征時惟鷹揚鷹揚旣昭

勲庸克邁天子命我鎮弼于外在作杆城以表  
南裔降災匪蠲景命顛沛惟我賢昆天姿秀生  
含奇播殊明德惟馨太陽散氣乃稟厥和山川  
垂度爰則厥遐厥遐伊何惟光惟大惟大伊何  
如岱如渭恢此廣淵廓彼弘懿洪道惇德淵哉  
爲器統我先基弱冠慷慨將弘祖業實崇奕世  
咨予頑蒙聳爾弱才沈耀玄渚挹庇雲淇陶化  
靡移固陋于茲瞻仰洪範實忝先基巍巍先基  
重規累構赫赫重光遐風激警昔我先公爰造

斯猷今我六蔽匪崇克扶悠悠大道載邈載遐  
洋洋淵源如海如河昔我先公斯綱斯紀今我  
末嗣乃傾乃圯世業之頽自予小子仰愧靈丘  
衡憂沒齒憂懷惟何顧景惟塵峩峩高蹤眇眇  
賀辰明德繼體莫非哲人今我頑鄙規範靡遵  
仍世載德荒之予身莫峻匪岳有峻斯登莫高  
匪雲有高斯凌矧我成基匪克階升玄黃長坂  
載寐載興豈敢憚行哀此負乘芒芒高山自予  
頽之濟濟德義匪予懷之終銜永負于其媿而

昔予言曠汜舟東川銜憂告辭揮淚海濱義陽  
趣駕炎華電征自我不見邈哉八齡悠思迴望  
寤言通靈昔我往矣辰在東岵今我于茲日薄  
桑榆銜艱邁愍困瘁殷憂哀矣我世匪蒙靈休  
開元迄茲震興迭微弱風隱駭海水羣飛王旅  
南征聞耀靈威予昆乃播爰集朔土載離永久  
其毒太苦上帝休命駕言其歸多我邁愍振蕩  
勅垂羈繫殊俗初願用違嚴駕東征肅邁林野  
夕秣乘馬朝整僕旅矯矯乘馬載驅載馳漫漫

長路或降或陞晨風厲兮不皇飢傾景儵墜  
夕不存置雖有豐草難釋奔駒雖有重陰匪遑  
假寐筑質僕夫悠悠遙征經彼喬木有烏嚶  
徹物識齊矧伊有情樂茲棠棣實歡友生既至  
旣覲滯思曠年曠年殊域覲未浹辰恨其永懷  
憂心孔艱天地永久命也難長生民忽霍曷去  
其常我之旣存靡績靡紀乾坤難並寂焉其已  
生若電激沒若川征存愧松柏逝慚生靈匪吝  
性命實悼徒生苟克析薪豈憚冥冥瞻企皇極

徼福上天黃我友生要期永年昔我先公邦國  
攸興今我家道綿綿莫承昔我昆弟如鸞如龍  
今我友生凋俊墜雄家哲永徂世繁長終華堂  
傾櫛廣宅頽墉高門降衡脩庭樹蓬感物悲懷  
愴矣其傷惇仁汜愛錫予好音歸光懷寶煥若  
南金披華玩藻曄若翰林詠彼清聲被之瑟琴  
味此殊響慰之予心弘懿忘鄙命之反覆敢投  
桃李以報珠玉冀憑光蓋編諸末錄